

松皮散 治金刀箭鏃傷用此生肌

老松皮 壹兩

石灰

貳兩 礦者以瓦盛之 上用瓦蓋 灰火四畔上下煉壹

夜至曉 研細

右為細末和勻傅之止血收瘡口立効

藥蛆方 治金瘡內爛生蛆者

右以早礬飛過乾貼其中即死

蒲黃方 治金瘡中風寒水露腫痛入腹

右用蒲黃并舊青布內在小口瓶中燒取煙熏瘡
汁出愈

治金瘡因風水腫

右取蠟不以多少溶化入鹽少許滴在瘡上或先以鹽罨瘡上後熔蠟令熱得所灌瘡中亦可

艾葉方 治金瘡中風掣痛并手足不仁

右用艾葉生熟者令揉團得所內瓦甑中塞諸孔獨留一目以通氣熏蒸患處良久身體自知立愈
仲景金瘡方王不留行散主之

瘡大者服藥

王不留行

八月八日採

蒴藿細葉

七月七採

桑根

用白皮根行東南者三月三日採

甘草

各拾分

川椒

叁分除目及閉口者出汗

黃芩

乾薑

芍藥

厚朴

各貳分

右九味桑根皮以上三味燒灰存性勿令過各別研杵篩合治爲散服方寸匕小瘡卽粉之大瘡但服之產後亦可服如風寒桑東南根勿取之前三物皆陰乾百日用

定痛乳香散 治金傷并折骨打撲傷損

乳香

沒藥

各貳錢

敗龜板

壹兩

紫金皮

貳兩

當歸鬚

骨碎補

虎骨

酥炙各半兩

穿山甲

火炮少許

半兩錢

伍箇如無以自然銅火煨醋焙代之

右爲細末每服壹錢如病沉服貳錢以好酒調服

損上者食後服損下者食前服

地榆絹煎

治刀刃所傷內損大腸及兩脇肋并腹

肚傷破大便從口中出并中大箭透射傷損腸胃
及治產後傷損小腸并尿囊破小便出無節止此
方神妙餌至一服其藥直至損處補定傷痕隔日
開瘡口看之只有宿舊物出卽無新惡物出瘡口
內用長肉散子作燼子引散藥入瘡裏面候長肉
出外其痕卽自合

地榆

搗兩洗淨
爲細末絹壹疋小
薄者

右用清水洗淨絹糊以炭灰淋清汁貳斗煮絹灰

血不止

汁盡爲度絹以爛熟擘得成片段伍寸至叁寸卽
取出壓盡灰汁於清水內洗三五度令去灰力盡
重入鍋內以水貳斗入地榆末煎煮熟爛以手撚
看不作絹片取入砂盆研之如麪糊得所分爲二
服用白粳米粥飲調空心服之服了仰卧不得驚
動轉側言語忌一切毒食熟爛黃雌雞白米軟飯
餘物不可食之其餘一服至來日空心亦用粥飲
調服其將養一月內切須慎護如是產後所傷服
壹疋分作四服每服粥飲壹中蓋調服日一服

刀傷血不止一味白芍藥散白酒調服卽以散摻傷

處其有血出不止勢難遏者用龍骨乳香等分研末
室患處虵魚草搗塞尤妙

廣金瘡血不止痛白芍藥壹兩熬令黃杵細爲散酒
後米飲下貳錢並得初三服漸知

當歸散

名內補散
名蓯蓉散

治金瘡去血多虛竭此藥內

補

當歸

微炒

川芎

乾薑

炮

川椒

去目閉口
炒出汗

桂心

黃芩

桑白皮

吳茱萸

湯浸
焙乾

白芍藥

炙甘草

各半
兩

肉蓯蓉

肆兩酒浸一
宿去皮炒乾

人參

黃芪

厚朴

去麤皮薑汁炙令香

熟各壹兩

右爲細末每服貳錢食前溫酒調下日三四服一方有白芨無黃芩桑白皮

內塞散 治金瘡去血多虛竭疼痛羸弱內補

黃芪

當歸

白芷

芎藭

乾薑

黃芩

芍藥

續斷

附子

細辛

鹿茸

半兩

壹兩

各貳兩 酥炙 參兩

右爲細末每服伍分匕食前酒調下日三服稍增

至方寸匕一方無芍藥

蒲黃散 治金瘡血出腹脹欲死

蒲黃

生地黄

各壹兩半

黃芪

當歸

芎藭

白芷

續斷

各壹兩

炙甘草

叁分

右爲細末每服叁錢匕空心酒調下日三四服血

化爲水而下若口噤幹開口與之仍加大黃壹兩

半

神仙止血散

龍骨

五色緊者

訶子

去核各壹兩

白石脂

苧麻葉

五月五日午時採陰乾各半兩

右爲細末每服壹錢半食遠水調服之如修合時忌婦人雞犬見

治金瘡出血內漏用蝙蝠貳枚燒煙盡以水調服方寸匕令一日服盡當下血如水血自消也

瘀血
泛注

血出不透致瘀滯爲患傷處赤腫或攻四肢頭面並雞鳴散或煎紅花調黑神散

腸出

金瘡腸出欲入之磁石滑石各叁兩爲細末白米飲送下方寸七日再用

鬼遺方

磁石散 治金瘡腸出宜用之

磁石

煨研

滑石

研

鐵精

各叁兩

右爲細末研勻每服壹錢七溫酒調下空心日午
晚間各一服仍以針砂塗腸上其腸自收入一方
用白米飲調服一方無鐵精

治傷破腸出不斷腸出欲燥而草土着腸者

右作大麥粥取汁洗腸推內之常研米粥飲之二
十日稍稍作強糜百日後乃可瘥草土當蹶在皮
外

治金瘡中腸出不能入者

右以小麥叁升用水玖升煮取伍升綿濾過候冷

含噴瘡上漸入以冷水噴其背不宜多令人見亦不欲令傍人語又不可令病人知或尚未入取病人臥席四角令病人舉身搖須臾腸自入十日內食不可飽頻食而少勿使病人驚驚則殺人

治金瘡腸出者

右以桑白皮作線縫之更以熱雞血塗上立愈唐安金藏剖腹用此法效

敗弩筋散 治金刀弓弩所中筋急不得伸屈

敗弩筋

燒作灰

秦艽

去苗

杜仲

去皮炙

熟地黄

焙各半兩

附子

炮去皮臍

當歸

切焙各壹兩

石經堂

大棗 參枚取
肉焙

右爲細末每服貳錢匕溫酒調下空心日午夜卧

各一服一方有續斷無大棗

生乾地黃散 治金瘡煩悶

煩悶

生乾地黃 白芷 當歸 炒

桃仁 去皮尖雙
仁麩炒 續斷 黃芩

赤芍藥 羚羊角屑 炙甘草 各壹
兩

芎藭 桂心 各叁
分

右爲細末每服貳錢食前溫酒調下日三四服

白薇散 治金瘡煩悶不得眠臥疼痛

白薇

枳實 麩炒

辛夷仁

括蕞根

赤芍藥

炙甘草 各壹兩

酸棗仁

貳兩 微炒

右爲細末每服貳錢食前溫酒調下日三四服

琥珀散 治金瘡弓弩箭中悶絕無所識

右用琥珀研如粉以童子小便調壹錢服三服瘥

高祖時寧州貢琥珀枕碎以賜軍士傳金瘡

虎骨散 治金瘡中風瘓肢節筋脉拘急

虎脰骨

敗龜板 各酥炙 當歸

乾蝎 各微炒

桃仁 去皮尖雙 芎藭 各壹兩 麩炒

黑豆

伍合

松脂

貳兩

桂心

叁分

右先將松脂并黑豆炒令熟後和諸藥搗爲末每服貳錢不拘時溫酒調下

豆淋酒

治因金瘡中風反強者

大豆

陸合

雞矢白

壹合

右炒令大豆焦黑次入雞矢白同炒乘熱瀉於叁升酒中密蓋良久瀘去滓每服伍合如人行五里更一服汗出佳未瘥卽更作服之汗出爲度服後宜喫熱生薑粥投之

必効酒

治金瘡中風角弓反張者

右用蒜四破去心頂壹升以無灰酒肆升煮蒜令極爛并滓每服伍合頓服之須臾得汗則瘥

又方 治金瘡中風瘞欲死者及諸大脉皆血出多不可止血冷則殺人

右用生葛根壹斤剉碎以水伍升煮取叁升去滓每服熱飲壹小盞日三四服若乾者搗爲末每服貳錢溫酒調服若口噤不開但多服竹瀝卽止

塗封方 治金瘡中風角弓反張

生雞子 壹枚 烏麻油 叁兩

右先將雞子打破與麻油相和煎之稍稠待冷塗

封瘡上

葫蘆方 治金瘡得風身體痙強口噤不能語或因

打破而得及刀斧所傷得風臨死用此並瘥

右取未開葫蘆壹枚長柄者開其口隨瘡大小開之令瘡大小相當可繞四邊閉塞勿使通氣上復開一孔取麻子油燭兩條並燃以葫蘆口向下熏之燭盡更續之不過半日卽瘥若不止亦可經一二日熏之以瘥爲度若燭長不得內葫蘆可中折用之

元史布智兒從元太祖征回回身中數矢血流滿體